

ք. Երևան

«21» հունիսի 2021թ.

Հարկադիր կատարումն ապահովող ծառայությունը, ի դեմս ծառայության գլխավոր քարտուղարի պաշտոնակատար Գ. Միրիջանյանի, որը գործում է ծառայության կանոնադրության հիման վրա, այսուհետ «Գնորդ», մի կողմից, և «Ձեռակերտ» ՍՊԸ-ն, ի դեմս տնօրեն Խ. Միրզոյանի, որը գործում է ընկերության կանոնադրության հիման վրա, այսուհետ «Վաճառող» մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Կապալառուն պարտավորվում է սույն պայմանագրով սահմանված կարգով, նախատեսված ծավալներով, ձևով և ժամկետներում կատարել սույն պայմանագրի (այսուհետ՝ պայմանագիր) N 1 Հավելվածով սահմանված ծավալաթերթ-նախահաշվով նախատեսված Հարկադիր կատարումն ապահովող ծառայության Սյունիքի մարզային բաժնի /ք. Գորիս/ վարչական տարածքի ընթացիկ նորոգման աշխատանքները (այսուհետ՝ աշխատանք), իսկ Պատվիրատուն պարտավորվում է ընդունել կատարված աշխատանքը և վարձատրել դրա համար:

1.2 Պայմանագրով նախատեսված աշխատանքները կատարվում են ՀՀ օրենսդրությամբ սահմանված ստանդարտներին, շինարարական նորմերին և կանոններին, աշխատանքի նախագծին, ինչպես նաև պայմանագրի անբաժանելի մասը կազմող աշխատանքի ծավալաթերթ-նախահաշվին համապատասխան:

1.3 Պայմանագրով նախատեսված աշխատանքները սկսվում են պայմանագիրն ուժի մեջ մտնելուց հետո և կատարման ժամկետը սահմանվում է՝ Համաձայն հավելված 2-ի:

Պայմանագրով նախատեսված առանձին տեսակի աշխատանքների, փուլերի և ծավալների կատարման ժամկետները որոշվում են կողմերի կողմից՝ համաձայնեցված օրացուցային գրաֆիկով (Հավելված N 2):

2. ԿԱՊԱԼԱՌՈՒԻ ՄԻՋՈՑՆԵՐՈՎ ԱՇԽԱՏԱՆՔՆԵՐԸ ԿԱՏԱՐԵԼԸ

2.1 Աշխատանքը կատարվում է Կապալառուի ուժերով, նյութերով և միջոցներով:

2.2 Կապալառուն պատասխանատվություն է կրում իր տրամադրած նյութերի և սարքավորումների որակի համար:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

3.1. Պատվիրատուն իրավունք ունի՝

3.1.1 Ցանկացած ժամանակ ստուգել Կապալառուի իրականացրած աշխատանքի ընթացքը և որակը՝ առանց միջամտելու վերջինիս գործունեությանը:

3.1.2 Կապալառուի կողմից պայմանագրի 1.3 կետում նշված ժամկետի (ներառյալ օրացուցային գրաֆիկի) խախտման դեպքում իր հայեցողությամբ սահմանել աշխատանքի կատարման նոր ժամկետ և պահանջել Կապալառուից վճարելու պայմանագրի 6.2 կետով նախատեսված տույժը:

3.1.3 Չընդունել աշխատանքի արդյունքը՝ ՀՀ օրենսդրությամբ սահմանված դրոյթներին, պայմանագրի 1.2 կետով նախատեսված փաստաթղթերի պահանջներին չհամապատասխանելու դեպքում՝ իր հայեցողությամբ սահմանելով թերությունների անհատույց վերացման ողջամիտ ժամկետ և պահանջել Կապալառուից վճարելու պայմանագրի 6.2 կետով նախատեսված տույժը, ինչպես նաև 6.3 կետով նախատեսված տուգանքը:

3.1.4 Միակողմանի լուծել պայմանագիրը և պահանջել հատուցելու իրեն պատճառված վնասները, եթե.

ա) Կապալառուն ժամանակին չի սկսում աշխատանքի կատարումը կամ աշխատանքը կատարում է այնքան դանդաղ, որ դրա ժամանակին ավարտը դառնում է ակնհայտ անհնար,

բ) Կապալառուն խախտել է պայմանագրի 1.3 կետում նախատեսված ժամկետը (ներառյալ օրացուցային գրաֆիկը),

գ) Կապալառուի կողմից կատարված աշխատանքը չի համապատասխանում նախագծանախահաշվային փաստաթղթերով սահմանված պահանջներին,

դ) Կապալառուի կողմից խախտվել են պայմանագրի 3.1.3 կետով նախատեսված հիմքերով աշխատանքի թերությունների անհատույց վերացման ողջամիտ ժամկետները:

3.1.5 Աշխատանքի արդյունքի թերությունների հետ կապված պահանջներ ներկայացնել երաշխիքային ժամկետում:

3.1.6 Լիազորել այլ անձի՝ աշխատանքի իրականացման նկատմամբ տեխնիկական հսկողություն իրականացնելու նպատակով:

3.1.7 Մինչև Պատվիրատուի կողմից Կապալառուի կատարած աշխատանքի արդյունքն ընդունելը, պահանջել իրեն հանձնելու անավարտ աշխատանքի արդյունքը՝ պայմանագիրն օրենքով կամ պայմանագրով նախատեսված հիմքերով դադարեցնելու դեպքում:

3.2. Պատվիրատուն պարտավոր է՝

3.2.1 Աշխատանքը կատարելիս՝ աջակցել Կապալառուին պայմանագրով նախատեսված դեպքերում, ծավալով և կարգով:

3.2.2 Պայմանագրով նախատեսված ժամկետում և կարգով Կապալառուի մասնակցությամբ գնել և ընդունել կատարված աշխատանքը (դրա արդյունքը), իսկ պայմանագրից աշխատանքի արդյունքը վատթարացնող շեղումներ կամ աշխատանքում այլ թերություններ հայտնաբերելու դեպքերում՝ այդ մասին անհապաղ հայտնել Կապալառուին:

3.2.3 Պայմանագրի ուժի մեջ մտնելու պահից 5 աշխատանքային օրվա ընթացքում Կապալառուին տրամադրել աշխատանքի իրականացման համար համապատասխան տարածք:

3.2.4 Պայմանագրի 1.3 կետով նախատեսված ժամկետում աշխատանքի արդյունքն ընդունելու դեպքում Կապալառուին վճարել վերջինիս վճարման ենթակա գումարները:

3.3. Կապալառուն իրավունք ունի՝

3.3.1 Պայմանագրի 1.3 կետով նախատեսված ժամկետում աշխատանքի արդյունքը հանձնելու դեպքում Պատվիրատուից պահանջել վճարելու պայմանագրի 5.1 կետով նախատեսված՝ վճարման ենթակա գումարը:

3.3.2 Պատվիրատուի կողմից պայմանագրի 5.4 կետում նշված ժամկետների խախտման դեպքում Պատվիրատուից պահանջել վճարելու իրեն վճարման ենթակա գումարները և պայմանագրի 6.5 կետով նախատեսված տույժը:

3.4. Կապալառուն պարտավոր է՝

3.4.1 Աշխատանքների առնվազն 100 տոկոսը կատարել անձամբ, պայմանագրով նախատեսված կարգով և ժամկետներում, իր ուժերով, գործիքներով, մեխանիզմներով, ինչպես նաև անհրաժեշտ նյութերով ու պատշաճ որակով՝ նախագծին և ծավալաթերթին համապատասխան:

3.4.2 Կատարել աշխատանքի վերաբերյալ Պատվիրատուի տված ցուցումները, եթե դրանք չեն հակասում պայմանագրի պայմաններին:

3.4.3 Ապահովել շինմոնտաժային աշխատանքների կատարումը շինարարական նորմերին, կանոններին ու տեխնիկական պայմաններին համապատասխան, կատարել իր կողմից մոնտաժված սարքավորման (էլեկտրական, ջեռուցման, ջրամատակարարման, կոյուղու, օդափոխիչ և այլն) անհատական փորձարկում, մասնակցել սարքավորման համալիր փորձարկմանը:

3.4.4 Աշխատանքի արդյունքը Պատվիրատուին հանձնելիս նրան հայտնել այն պահանջների և կանոնների մասին, որոնց պահպանումն անհրաժեշտ է աշխատանքի արդյունքի արդյունավետ և անվտանգ օգտագործման համար, ինչպես նաև տեղեկություններ հաղորդել այդ պահանջները և կանոնները չպահպանելու հնարավոր հետևանքների մասին:

3.4.5 Պայմանագրի 1.3 կետում նշված ժամկետը (ներառյալ օրացուցային գրաֆիկը) խախտելու և Պատվիրատուի կողմից աշխատանքի կատարման նոր ժամկետ սահմանվելու դեպքում, ապահովել աշխատանքի կատարումը սահմանված ժամկետում և յուրաքանչյուր ուշացված օրվա համար վճարել պայմանագրի 6.2 կետով նախատեսված տույժը:

3.4.6 Պայմանագրի 3.1.4 կետով նախատեսված հիմքերով պայմանագրի լուծման դեպքում հատուցել Պատվիրատուին պատճառված վնասները և վճարել 6.3 կետով նախատեսված տուգանքը:

3.4.7 Շինարարության օբյեկտի կոնսերվացման անհրաժեշտության ծագման դեպքում՝ իր միջոցներով կատարել աշխատանքը դադարեցնելու և շինարարությունը կոնսերվացնելու անհրաժեշտությունից բխող ողջամիտ ծախսերը:

3.4.8 Եթե շինարարական ծրագրերի կատարման արդյունքի կամ դրա առանձին բաղադրիչի համար սահմանված երաշխիքային ժամկետի ընթացքում ի հայտ են եկել կատարված աշխատանքի թերություններ, ապա Կապալառուն պարտավոր է իր հաշվին, Պատվիրատուի կողմից սահմանված ողջամիտ ժամկետում վերացնել թերությունները:

3.4.9 Պայմանագրով երաշխիքային ժամկետ է սահմանվում Պատվիրատուի կողմից ողջ ծավալով Աշխատանքն ընդունվելու օրվան հաջորդող օրվանից հաշված 365 օրացուցային օր: Եթե երաշխիքային ժամկետի ընթացքում ի հայտ են եկել կատարված Աշխատանքի թերություններ, ապա Կապալառուն պարտավոր է իր հաշվին, Պատվիրատուի կողմից սահմանված ողջամիտ ժամկետում վերացնել թերությունները:²⁷

3.4.11 Որակավորման և պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

4. ԱՇԽԱՏԱՆՔԻ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

4.1 Կատարված աշխատանքը ընդունվում է Պատվիրատուի և Կապալառուի միջև հանձնման-ընդունման արձանագրության ստորագրմամբ: Աշխատանքը Պատվիրատուին հանձնելու փաստը ֆիքսվում է Պատվիրատուի և Կապալառուի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով աշխատանքի կատարման համար նախատեսված օրը ներառյալ Կապալառուն Պատվիրատուին է տրամադրում իր կողմից ստորագրված՝ աշխատանքը Պատվիրատուին հանձնելու փաստը ֆիքսող փաստաթուղթը (հավելված N 4.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 4): Ընդ որում Կապալառուն հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

²⁷ Սույն կետը հանվում է պայմանագրի նախագծից, եթե գնման առարկա հանդիսացող շինարարական ծրագիրը պահանջում է նախագծային փաստաթղթեր:

4.2 Եթե կատարված աշխատանքը համապատասխանում է պայմանագրի պայմաններին, Պատվիրատուն պայմանագրի 4.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կապալառուին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

4.3 Եթե կատարված աշխատանքը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 4.2 կետում նշված ժամկետում էլեկտրոնային գնումների armeps համակարգի միջոցով Կապալառուին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կապալառուի նկատմամբ կիրառում է պայմանագրով նախատեսված պատասխանատվության միջոցներ:

4.4 Եթե պայմանագրի 4.2 կետով սահմանված ժամկետում Պատվիրատուն չի ընդունում կատարված աշխատանքը կամ չի մերժում դրա ընդունումը, ապա կատարված աշխատանքը համարվում է ընդունված և պայմանագրի 4.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կապալառուին է տրամադրում իր կողմից ստորագրված հանձնման-ընդունման արձանագրությունը:

4.5 Աշխատանքի կամ պայմանագրի օրացուցային գրաֆիկով նախատեսված առանձին տեսակի աշխատանքների, փուլերի և ծավալների արդյունքները նախագծանախահաշվային փաստաթղթերին չհամապատասխանելու դեպքում կողմերը կազմում են երկկողմ ակտ՝ թվարկելով թերությունների վերացման համար պահանջվող՝ կատարման ենթակա լրացուցիչ աշխատանքները և ժամկետները: Կապալառուն պարտավոր է պայմանագրային գնի սահմաններում, առանց լրացուցիչ վճարի, կատարել անհրաժեշտ աշխատանքներ:

4.6 Աշխատանքն ընդունելիս կիրառվում են նաև հետևյալ պայմանները՝

1) Կապալառուի կողմից շինարարության ավարտի մասին տեղեկություն ստանալուց հետո Պատվիրատուի ղեկավարը ձեռնարկում է միջոցներ Հայաստանի Հանրապետության կառավարության 2015 թվականի մարտի 19-ի N 596-Ն որոշմամբ սահմանված հանձնաժողով ձևավորելու և կատարված աշխատանքներն ընդունելու համար:

2) պայմանագրի կատարման արդյունքը համարվում է ամբողջությամբ ընդունված պետական կառավարման մարմնի ղեկավարի՝ Հայաստանի Հանրապետության կառավարության 2015 թվականի մարտի 19-ի N 596-Ն որոշմամբ սահմանված կարգով ձևավորված հանձնաժողովի (այսուհետ՝ ընդունող հանձնաժողով) կողմից կատարված աշխատանքներն ընդունվելու դեպքում:

3) մինչև ավարտված շինարարական օբյեկտի ընդունումը՝ Հայաստանի Հանրապետության կառավարության 2015 թվականի մարտի 9-ի N 596-Ն որոշման համապատասխան ստեղծված հանձնաժողովը Հայաստանի Հանրապետության օրենսդրությամբ սահմանված կարգով փաստագրում է ավարտված շինարարության օբյեկտը և կազմում օբյեկտը շահագործման ընդունող հանձնաժողովի ակտ:

4) սույն կետի 3-րդ ենթակետում նշված ակտը սահմանված կարգով ստանալուց հետո պատասխանատու ստորաբաժանումն ստուգում է ավարտված շինարարական օբյեկտի (կատարված աշխատանքների) համապատասխանությունը պայմանագրի պահանջներին և, եթե կատարված աշխատանքը՝

ա. համապատասխանում է պայմանագրի պայմաններին, ապա ստորագրվում է պայմանագրի կատարման արդյունքն ընդունելու մասին հանձնման-ընդունման ավարտական արձանագրություն,

բ. չի համապատասխանում պայմանագրի պայմաններին, ապա արձանագրություն չի ստորագրվում:

5) մինչև սույն կետով նախատեսված պայմանագրի կատարման արդյունքն ընդունելու մասին հանձնման-ընդունման ավարտական արձանագրությունն ստորագրելը՝ Պատվիրատուն չի վճարում կապիտալ շինարարության համար կատարված աշխատանքների ընդհանուր գումարի հինգ տոկոսը, իսկ տարածամկետ վճարելու դեպքում՝ վերջին վճարման գումարը, որը չի կարող պակաս լինել կապիտալ շինարարության համար կատարված աշխատանքների ընդհանուր գումարի հինգ տոկոսից:

5. ԱՇԽԱՏԱՆՔԻ ԳԻՆԸ ԵՎ ՎԱՐՁԱՏՐՈՒԹՅՈՒՆԸ

5.1 Սույն պայմանագրի ընդհանուր գինը կազմում է **12000000 (տասներկու միլիոն) ՀՀ դրամ, որից 2000000 (երկու միլիոն) ՀՀ դրամը՝ ԱԱՀ-ն: Գինը ներառում է Կապալառուի կողմից իրականացվող բոլոր ծախսերը:**

5.2 Աշխատանքի գինը կայուն է և Կապալառուն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

5.3 Պատվիրատուն վճարում է աշխատանքի կամ պայմանագրի օրացուցային գրաֆիկով նախատեսված՝ առանձին տեսակի աշխատանքների, փուլերի և ծավալների՝ պայմանագրի 4-րդ բաժնով նախատեսված կարգով ընդունելու դեպքում Հայաստանի Հանրապետության դրամով անկանխիկ՝ դրամական միջոցները Կապալառուի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը:

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1 Կապալառուն պատասխանատվություն է կրում Աշխատանքի որակի և սույն պայմանագրի 1.3 կետով (ներառյալ օրացուցային գրաֆիկը) նախատեսված ժամկետի պահպանման համար:

6.2 Սույն պայմանագրով նախատեսված Աշխատանքի կատարման ժամկետը խախտելու դեպքում Կապալառուից յուրաքանչյուր ուշացված աշխատանքային օրվա համար գանձվում է տույժ՝ կատարման ենթակա, սակայն չկատարված Աշխատանքի գնի 0,05 (զրո ամբողջ հինգ հարյուրերորդական) տոկոսի չափով:

6.3 Պայմանագրի 3.1.3 կետով նախատեսված հիմքերով Պատվիրատուի կողմից աշխատանքը չընդունվելու, ինչպես նաև 3.1.4 կետով նախատեսված կարգով պայմանագիրը լուծելու դեպքում Կապալառուից գանձվում է տուգանք՝ պայմանագրի 5.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:³¹ Ընդ որում տուգանքը հաշվարկվում է նաև աշխատանքի արդյունքը սույն պայմանագրով սահմանված ժամկետում կատարելու, սակայն պատվիրատուի կողմից այդ չընդունվելու դեպքում:

6.4 Պայմանագրի 6.2 և 6.3 կետերով նախատեսված տույժը և տուգանքը հաշվարկվում և հաշվանցվում են Կապալառուին վճարվող գումարների հետ:

6.5 Պատվիրատուի կողմից պայմանագրի 5.3 կետով նախատեսված ժամկետների խախտման համար Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6.7 Տույժերի և (կամ) տուգանքների վճարումը կողմերին չի ազատում իրենց պայմանագրային պարտավորությունները կատարելուց:

7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

8. ԱՅԼ ՊԱՅՄԱՆՆԵՐ

8.1 Պայմանագիրն ուժի մեջ է մտնում Կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:³²

8.2 Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

8.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կապալառուն ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կապալառուի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

8.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

8.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

³¹ Եթե պայմանագիրը կնքվել է «Գնումների մասին» ՀՀ օրենքի 15-րդ հոդվածի 6-րդ կետի հիման վրա, ապա տուգանքը հաշվարկվում է այն համաձայնագրի գնի նկատմամբ, որի շրջանակում արձանագրվել է ստանձնված պարտավորությունների չկատարման կամ ոչ պատշաճ կատարման հանգամանքը:

Եթե պայմանագիրը ներառում է մեկից ավել չափաբաժին, ապա տուգանքը հաշվարկվում է պայմանագրով այդ չափաբաժնի համար սահմանված ընդհանուր գնի նկատմամբ:

³² Պետական օրենքի մեթոդիկ հավելյալ պարտավորություններ կարող են ծագել պայմանագրի կնքումից հետո, սույն նախապայմանները սահմանափակում են:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող աշխատանքի ծավալների կամ ձեռք բերվող աշխատանքի միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

8.8 Աշխատանքի կատարման ժամկետը կարող է երկարաձգվել մինչև պայմանագրով այդ ժամկետը լրանալը՝ Կապալառուի առաջարկության առկայության դեպքում՝ պայմանով, որ Պատվիրատուի մոտ չի վերացել աշխատանքի օգտագործման պահանջը, իսկ Կապալառուի առաջարկությունը ներկայացվել է ոչ ուշ, քան պայմանագրով ի սկզբանե աշխատանքների կատարման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում աշխատանքի կատարման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

8.9 Պայմանագրի պատշաճ կատարման պայմաններում կողմերի (Կապալառու կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կապալառուի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կապալառուն:

8.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով աշխատանքի կատարման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով աշխատանքի կատարման համար անհրաժեշտ ֆինանսական հատկացումների նվազեցումը:

8.11 Կապալառուի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կապալառուն, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն այն ուղարկվում է նաև Կապալառուի էլեկտրոնային փոստին:

8.12 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

8.13 Սույն պայմանագիրը կազմված է 6 էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ: Սույն պայմանագրի N 1, N 2, N 3, N 4 և N 4.1 հավելվածները, համարվում են պայմանագրի անբաժանելի մասը:

8.14 Սույն պայմանագրի հետ կապված հարաբերությունների նկատմամբ կիրառվում է Հայաստանի Հանրապետության իրավունքը:

8.15 Պայմանագրով նախատեսված աշխատանքների կատարումն իրականացվում է այդ նպատակով ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման միջոցով: Պայմանագիրը լուծվում է, եթե այն կնքելու օրվան հաջորդող վեց ամսվա ընթացքում այդ նպատակով պայմանագրի կատարման համար ֆինանսական միջոցներ չեն նախատեսվում: Եթե պայմանագրի կատարման համար հատկացված ֆինանսական միջոցների չափը գերազանցում է գնումների բազային միավորի քսանհինգապատիկը, ապա Պատվիրատուի կողմից համաձայնագիր կնքվի, եթե Կապալառուի կողմից տուժանքի ձևով ներկայացված որակավորման և պայմանագրի ապահովումները՝ նախատեսված ֆինանսական միջոցների չափով, փոխարինվում են երաշխիքով կամ կանխիկ փողով՝ հաշվի առնելով ՀՀ կառավարության 2017 թվականի մայիսի 4-ի N 526-Ն որոշման N 1 հավելվածի 32-րդ կետի 17-րդ ենթակետի «բ» պարբերության պահանջները: Ընդ որում, Կապալառուն համաձայնագիրը կնքում, իսկ տուժանքի ձևով ներկայացված որակավորման և պայմանագրի ապահովումների փոխարինման դեպքում նաև նոր ապահովումները Պատվիրատուին ներկայացնում է համաձայնագիր կնքելու ծանուցումը ստանալու օրվանից տասնհինգ աշխատանքային օրվա ընթացքում: Հակառակ դեպքում պայմանագիրը Պատվիրատուի կողմից միակողմանիորեն լուծվում է:³⁵

³⁵ Եթե պայմանագիրը կնքվում է "Գնումների մասին" ՀՀ օրենքի 15-րդ հոդվածի 6-րդ մասի հիման վրա և պայմանագրի գինը չի գերազանցում գնումների բազային միավորի քսանհինգապատիկը, ապա սույն կետը խմբագրվում է՝ վերջինից հանելով 3-րդ նախադասությունը, իսկ 4-րդ նախադասությունը խմբագրվում է՝ «, իսկ տուժանքի ձևով ներկայացված որակավորման և պայմանագրի ապահովումների փոխարինման դեպքում նաև նոր ապահովումները» բառերը փոխարինելով «և» բառով: Սույն կետը հանվում է պայմանագրից, եթե պայմանագիրը չի կնքվում "Գնումների մասին" ՀՀ օրենքի 15-րդ հոդվածի 6-րդ մասի հիման վրա:

9. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ՊԱՏՎԻՐԱՏՈՒ

Հարկադիր կատարումն ապահովող
ծառայություն
ՀՀ, ք. Երևան, Հալաբյան 41/ա
ՀՀ ֆինանսների նախարարության
գործառնական վարչության
Հ/Հ 900011288025
ՀՎՀՀ 01223338




/ստորագրություն/
Կ.Տ.


ԿԱՊԱԼԱՌՈՒ

«ՁԵՌԱՎԵՐՏ» ՍՊԸ

ՀՀ, Սյունիքի մարզ, ք. Գորիս, Սյունիքի փ.
136/22
«ՀԱՅԷԿՈՆՈՄԲԱՆԿ» ԲԲԸ «ԳՈՐԻՍ» Ս/Ճ
Հ/Հ 163298024882
ՀՎՀՀ 09213061



Խ, Միրզոյան
/ստորագրություն/
Կ.Տ.



Անհրաժեշտության դեպքում պայմանագրի նախագծում կարող են ներառվել ՀՀ օրենսդրության շահակասող դրույթներ:

ԾԱՎԱԼԱԹԵՐԹ-ՆԱԽԱՀԱՇԻՎ*

«ՀԱՐԿԱԴԻՐ ԿԱՏԱՐՈՒՄՆ ԱՊԱՀՈՎՈՂ ԾԱՌԱՅՈՒԹՅԱՆ ՍՅՈՒՆԻՔԻ ՄԱՐԶԱՅԻՆ ԲԱԺՆԻ /Ք. ԳՈՐԻՍ/ ՎԱՐՉԱԿԱՆ ՏԱՐԱԾՔԻ ԸՆԹԱՑԻԿ ՆՈՐՈԳՄԱՆ» ԱՇԽԱՏԱՆՔՆԵՐԻ ԿԱՏԱՐՄԱՆ
/ներկայացվում է կից /

Չափաբաժին 1. Շենքերի, շինությունների /ՀԱՐԿԱԴԻՐ ԿԱՏԱՐՈՒՄՆ ԱՊԱՀՈՎՈՂ ԾԱՌԱՅՈՒԹՅԱՆ ՍՅՈՒՆԻՔԻ ՄԱՐԶԱՅԻՆ ԲԱԺՆԻ /Ք. ԳՈՐԻՍ/ ՎԱՐՉԱԿԱՆ ՏԱՐԱԾՔԻ ՆՈՐՈԳՄԱՆ/ ընթացիկ նորոգման աշխատանքներ.

Հ/Հ NN	Աշխատանքների և ծախսերի անվանումը	Չափ. միավ.	Խոտանք	Արժեքը հազ դրամ	
				Միավորի	Ընդհանուր
1	2	3	4	5	6
1 Շենքի վերանորոգման աշխատանքներ					
1	Պատերի և շեպերից գաջի սվաղի քանդում	քմ	190	0.10	19.00
2	Պատերից ներկի մաքրում	քմ	490	0.10	49.00
3	Պատերից յուղաներկի մաքրում	քմ	44	0.20	8.80
4	Պատերի խեցեսալե երեսապատման քանդում	քմ	11.2	0.50	5.60
5	Առաստաղներից գաջի սվաղի մասնակի պոկում	քմ	71.7	0.20	14.34
6	Առաստաղներից ներկի մաքրում	քմ	190.6	0.15	28.59
7	Փայտե պատուհանների քանդում պատուհանագորգերի հետ միասին /վերադարձ պատվերատուին/	քմ	19.4	1.50	29.10
8	Փայտե դռների քանդում /վերադարձ պատվերատուին/	քմ	21.7	1.00	21.70
9	Մամլոգրանիտե հատակների քանդում	քմ	8	0.50	4.00
10	Մանրատախտակի քանդում հատակներից /վերադարձ պատվերատուին/	քմ	161.9	0.10	16.19
11	Փայտյա շրիշակների քանդում /վերադարձ պատվերատուին/	մ	150	0.05	7.50
12	Միջնապատերի իրականացում պենզաբլոկի շարվածքով	քմ	18.1	4.00	72.40
13	Միափեղկ խուլ դուռ, երեսապատված ՄՂՖ-ով	քմ	18.9	22.00	415.80
14	<<Եվրո>> տիպի մետաղապլաստե երկփեղկ դուռ սպիտակ	քմ	2.73	37.00	101.01
15	<<Եվրո>> տիպի մետաղապլաստե պատուհաններ բացվող ապակեփաթեթով սպիտակ	քմ	20.72	23.00	476.56
16	<<Եվրո>> տիպի մետաղապլաստե պատուհաններ չբացվող ապակեփաթեթով սպիտակ	քմ	20.72	18.00	372.96
17	<<Եվրո>> տիպի մետաղապլաստե խուռ դուռ սպիտակ	քմ	1.89	38.00	71.82
18	Պլաստմասե պատուհանագորգերի տեղադրում 300մմ լայն. սպիտակ	քմ	5.1	9.00	45.90
19	Պատերի բարձրակ ներկում լատեկսով	քմ	490	1.10	539.00
20	Առաստաղների բարձրակ ներկում լատեկսով	քմ	190.6	1.00	190.60
21	Պատերի և շեպերի գաջի սվաղի իրականացում	քմ	190	1.80	342.00
22	Պատերի և շեպերի մածիկապատում գիպսային մածիկով	քմ	490	0.90	441.00
23	Պատերի սվաղում ցեմենտավազե շաղախով	քմ	0.72	3.00	2.16
24	Պատերի երեսապատում կերամիկական գլազուրապատ սալիքներով	քմ	0.72	12.00	8.64
25	Առաստաղների գաջային սվաղի մասնակի իրականացում	քմ	71.7	1.80	129.06
26	Առաստաղների մածիկապատում գիպսային մածիկով	քմ	190.6	1.00	190.60
27	Աստիճանավանդակի մեկ թռիչկի երեսապատում մամլոգրանիտե /պրեսգրանիտ/ սալերով	քմ	22.1	6.00	132.60
28	Միջնորմի կառուցում մետաղական ցինկապատ պրոֆիլներից կարկասով, 2 կողմից երեսապատված 12,5մմ հաստ գիպսկարտոնե սալերով	քմ	22.1	4.00	88.40
29	Հատակների ցեմենտե/ավազային հարթեցնող շերտի իրականացում 10մմ /Աստիճանավանդակի/	քմ	18.2	1.00	18.20
30	Հատակների ցեմենտե/ավազային հարթեցնող շերտի իրականացում 10մմ	քմ	167.4	1.50	251.10
31	Մամլոգրանիտե /պրեսգրանիտ/ հատակների իրականացում	քմ	23.8	6.00	142.80
32	Մամլոգրանիտե շրիշակների իրականացում h-10սմ	մ	21.2	0.70	14.84
33	Լամինատե հատակների իրականացում /շրիշակով/	քմ	140.9	5.50	774.95

34	Շերտավարագույր		1	5.00	5.00
35	Շենքի տարածքի շին աղբի հավաքում և կուտակում բարձելու համար	տ	30	0.80	24.00
36	Բեռնում շինարարական աղբի ավտոմոբիլային փոխադրումների ժամանակ	տ	30	0.80	24.00
37	Շինարարական աղբի տեղափոխում մինչև 5կմ	տ	30	1.20	36.00
38	Բեռնաթափում շինարարական աղբի ավտոմոբիլային փոխադրումների ժամանակ	տ	30	0.30	9.00
ԸՆԴԱՄԵՆԸ			54.78%	55.34	5,124.22
2.Ներքին ջրամատակարարում					
1	Սառը ջրի պոլիպրոպիլենե խողովակի մոնտաժում d-20մմ	մ	11	1.00	11.00
2	Փական d-15մմ	հատ	1	2.50	2.50
3	Անկյունային փական d-15մմ	հատ	4	2.00	8.00
4	Ճկափող d-15մմ, Լ-500մմ	հատ	4	1.50	6.00
5	Լվացարանի շրջնդունիչ ծորակ Խառնիչի տեղադրում	հատ	3	8.00	24.00
6	Պոլիպրոպիլենե Ֆիտինգներ d-20մմ	հատ	16	0.50	8.00
7	Խողովակների միացում գոյություն ունեցող ջեռուցման և ջրամատակարարման ներքին ցանցի խողովակաշարերին, 20մմ տրամագծով	հատ	1	3.00	3.00
8	Ջեռուցման, սառը և տաք ջրամատակարարման խողովակաշարերի հիդրավլիկ փորձարկում, մինչև 50մմ տրամագծով	100մ	0.11	20.00	2.20
ԸՆԴԱՄԵՆԸ			0.73%	0.70	64.70
3.Ներքին կենցաղային կոյուղի					
1	Պոլիվինիլքլորիդային կոյուղու Խողովակների մոնտաժում, տրամագիծը 100մմ	մ	2	1.00	2.00
2	Պոլիվինիլքլորիդային կոյուղու Խողովակների մոնտաժում, տրամագիծը 50մմ	մ	6	0.50	3.00
3	Կերամիկական լվացարանի ապամոնտաժում	հատ	1	0.50	0.50
4	Սիֆոնի հանում	հատ	1	0.10	0.10
5	Ծորակի հանում	հատ	1	0.20	0.20
6	Կերամիկական լվացարանների տեղադրում սիֆոնով սառը և տաք ջրի միացումով	լր-մ	3	15.00	45.00
7	Կերամիկական զուգարանակոնքի տեղադրում	լր	1	25.00	25.00
8	Պոլիվինիլքլորիդային ձևավոր մասերի 110մմ	հատ	4	0.70	2.80
9	Պոլիվինիլքլորիդային ձևավոր մասերի 50մմ	հատ	10	0.20	2.00
10	Ջեռուցման, սառը և տաք ջրամատակարարման խողովակաշարերի հիդրավլիկ փորձարկում, մինչև 50մմ տրամագծով	մ	8	0.20	1.60
ԸՆԴԱՄԵՆԸ			0.88%	0.89	82.20
4.Ջեռուցում					
1	Ջրատաքացուցիչների տեղադրում, ծավալային /Գազի կաթսան տեղափոխվում է Սևանից /	հատ	1	30.00	30.00
2	Ջեռուցման մարտկոցների տեղադրում	էկմ	39	8.00	312.00
3	Ռադիատորի միացման կոմպլեկտ	հատ	13	6.00	78.00
4	Խողովակաշար ՊՊԲ խողովակներով տրամագիծը 20մմ	մ	20	1.50	30.00
5	Խողովակաշար ՊՊԲ խողովակներով տրամագիծը 25մմ	մ	60	2.00	120.00
6	Խողովակաշար ՊՊԲ խողովակներով տրամագիծը 32մմ	մ	70	2.50	175.00
7	Պատի կոնդիցիոներ 12000 BTU հզորությամբ	հատ	2	220.00	440.00
8	Պատի կոնդիցիոներ 9000 BTU հզորությամբ	հատ	1	180.00	180.00
9	Ղեկավարման մալուխ BBF- 4*2.5	մ	12	1.00	12.00
ԸՆԴԱՄԵՆԸ			15.6%	14.87	1,377.00
5.Ներքին լուսավորություն					
1	Գոյություն ունեցող լուսավորության վահանակի ապամոնտաժում	հատ	1	1.00	1.00
2	Լուսավորության վահանակ ավտոմատ անջատիչներով, հոսանքը մինչև 100Ա, խմբերի քանակը 24	հատ	1	5.00	5.00
3	Ավտոմատ միաբևեռ, երկբևեռ, եռաբևեռ, կոնստրուկցիաների վրա, (վահանակի մեջ), հոսանքը մինչև 63Ա	հատ	1	3.00	3.00
4	Ավտոմատ միաբևեռ, երկբևեռ, եռաբևեռ, կոնստրուկցիաների վրա, (վահանակի մեջ), հոսանքը մինչև 3Ա	հատ	2	2.50	5.00
5	Ավտոմատ միաբևեռ, երկբևեռ, եռաբևեռ, կոնստրուկցիաների վրա, (վահանակի մեջ), հոսանքը մինչև 10Ա	հատ	2	2.00	4.00
6	Ավտոմատ միաբևեռ, երկբևեռ, եռաբևեռ, կոնստրուկցիաների մուս. (վահանակի մեջ), հոսանքը մինչև 20Ա	հատ	7	2.20	15.40

7	Առաստաղային LED լուսատուների տեղադրում 220Վ, 40 Վտ, լույսային հոսքը 3200Լմ, 4000 Կ , 595x595մմ չափերով, IP20	հատ	27	8.50	229.50
8	Առաստաղային LED լուսատուների տեղադրում 220Վ, 40 Վտ, լույսային հոսքը 3100Լմ, 4000 Կ , 1195x295մմ չափերով, IP20	հատ	2	16.00	32.00
9	Առաստաղային LED լուսատուների տեղադրում 220Վ, 35 Վտ, լույսային հոսքը 2850Լմ, 4000 Կ , 1195x295մմ չափերով, IP20	հատ	4	16.00	64.00
10	Առաստաղային LED լուսատուների տեղադրում 220Վ, 32 Վտ, լույսային հոսքը 2780Լմ, 4000 Կ , 1195x295մմ չափերով, IP20	հատ	2	16.00	32.00
11	Առաստաղային LED լուսատուների տեղադրում 220Վ, 32 Վտ, լույսային հոսքը 2700Լմ, 2320 Կ , 595x295մմ չափերով, IP20	հատ	2	6.00	12.00
12	Առաստաղային LED լուսատուների տեղադրում 220Վ, 16 Վտ, լույսային հոսքը 1850Լմ, 4000 Կ , 300x300մմ չափերով, IP44	հատ	9	4.00	36.00
13	Պատի LED լուսատուների տեղադրում 220Վ, 12 Վտ, IP20	հատ	4	2.80	11.20
14	Վարդակ խրոցային ընկղմված, փակ հաղորդալարի համար	հատ	80	1.50	120.00
15	Անջատիչ միաստեղ միաբևեռ ներքին տեղադրման	հատ	8	1.50	12.00
16	Անջատիչ երկստեղ միաբևեռ ներքին տեղադրման	հատ	6	1.70	10.20
17	Անջատիչ եռաստեղ միաբևեռ ներքին տեղադրման	հատ	1	2.00	2.00
18	Բաժանման տուփ ներքին տեղադրման	հատ	45	0.10	4.50
19	Հաղորդալարի անցկացում պատի մեջ ՍԵՅՍՊ 2*1.5	մ	268	0.30	80.40
20	Հաղորդալարի անցկացում պատի մեջ ՍԵՅՍՊ 3*2.5	մ	332	0.70	232.40
21	Մալուխ մինչև 35կմ, անցկացվող կոնստրուկցիաներով և վաքերով, ամրակապումով ամբողջ երկարությամբ, զանգված 1մ մինչև 2կգ	մ	10	8.00	80.00
22	Ակոսների փորում պատերում	մ	490	0.10	49.00
23	Պատերի բարելավված սվաղ շենքերի ներսում գաջով	քմ	9.8	1.80	17.64
	ԸՆԴԱՄԵՆԸ		11.43		1,058.24
	6. Հակահրդեհային ահագանգման համակարգ				
1	Ընդունիչ-հսկիչ պամել 8 գոտու համար. առանձնացված կառավարման վահանավ	հատ	1	65.00	65.00
2	GSM մոդուլ	հատ	1	60.00	60.00
3	Անուցման բլոկ 12Վ, 1Ա	հատ	1	3.50	3.50
4	Անընդատ սնուցման աղբյուր	հատ	1	9.50	9.50
5	Ծխաջերմային համակցված ազդարարի տեղադրում պատերին և առաստաղին	հատ	20	2.20	44.00
6	Ձեռքի ազդարարի տեղադրում պատին	հատ	1	1.80	1.80
7	Լուսաձայնային արտաքին ազդարարի տեղադրում պատին	հատ	1	8.00	8.00
8	Ներքն ձայնային ազդարարարման սարքի տեղադրում (շակ)	հատ	1	2.20	2.20
9	Մալուխի տեղադրում տուփախողովակում	մ	70	0.10	7.00
10	Մալուխի տեղադրում տուփախողովակում	մ	28	0.20	5.60
11	Տուփախողովակի տեղադրում պատերով	մ	88	0.25	22.00
12	Համակարգի կարգաբերում և փորձարկում և միացում ԱԻՆ համակարգին	համակ.	1	80.00	80.00
	ԸՆԴԱՄԵՆԸ		3.33		308.60
	7. Տեսահսկողություն				
1	Ցանցային տեսաձայնագրիչ 1080p, 8 մուտք	հատ	1	70.00	70.00
2	Ուղղորդիչ (Switch) 1*SFP և 2*PoE մուտք, 6*PoE ելք, 10/100/1000, ներառյալ սնուցման բլոկ	հատ	1	45.00	45.00
3	Անընդհատ սնուցման սարք (UPS)	հատ	1	60.00	60.00
4	Տեսախցիկ գունավոր, 5MP, 1080p, f=3.2, ներքին տեղադրման	հատ	3	50.00	150.00
5	Տեսախցիկ գունավոր, 8MP, 1080p, f=6, արտաքին տեղադրման	հատ	1	86.00	86.00
6	Մալուխի տեղադրում տուփախողովակում	մ	60	0.15	9.00
7	Տուփախողովակի տեղադրում պատերով	մ	50	0.30	15.00
9	Համակարգի կարգաբերում և փորձարկում	համակ.	1	20.00	20.00
	ԸՆԴԱՄԵՆԸ		4.91		455.00
	8. Համացանցային և հեռախոսային ցանց				
1	Ուղղորդիչ (Switch) 2*PoE մուտք, 24*PoE ելք, 10/100/1000, ներառյալ սնուցման բլոկ	հատ	1	66.50	66.50
2	Հեռախոսային ավտոմատ մինի կայան (Мини АТС) 24 ներքին համարով, արտաքին ցանց ելքով	հատ	1	350.00	350.00
3	Տեղեկատվական վարդակ ներքին տեղադրման 2xRJ45, ներառյալ ենթավանդակային տուփը	հատ	14	8.00	112.00

4	Մալուխի տեղադրում ակուններում	մ	470	0.17	79.90
5	Ակունների փորում պատերում	մ	435	0.10	43.50
6	Պատերի բարելավված սվաղ շենքերի ներսում գաջով	քմ	8.7	2.00	17.40
7	Համակարգի կարգաբերում և փորձարկում	համակ.	1	120.00	120.00
	ԸՆԴԱՄԵՆԸ		8.52		789.30
	ԸՆԴԱՄԵՆԸ 1----8		100.00%		9,259.260
	Շահույթ 8% Прибыль				740.740
	Ընդամենը Итого				10,000.000
	ԱԱՀ 20% НДС				2,000.000
	Ընդամենը Всего				12,000.000

* Կապալառուն աշխատանքները կատարում է՝

Ջափարաժին 1-ի դեպրում՝ ք. Գորիս, Տաթևացի 9/1, հասցեում:

ՊԱՏՎԻՐԱՏՈՒ

Հարկադիր կատարումն ապահովող
ծառայություն
ՀՀ, ք. Երևան, Հալաբյան 41/ա
ՀՀ ֆինանսների նախարարության
գործառնական վարչության
Հ/Հ 900011288025
ՀՎՀՀ 01223338



/ստորագրություն/
Գ.Տ


ԿԱՊԱԼԱՌՈՒ

«ՁԵՌԱԿԵՐՏ» ՍՊԸ

ՀՀ, Սյունիքի մարզ, ք. Գորիս, Սյունիքի փ.
136/22
«ՀԱՅԷԿՈՆՈՍՏՐԱՆԿ» ԲԲԸ «ԳՈՐԻՍ» Ս/Ճ
Հ/Հ 163298024882
ՀՎՀՀ 09213061



Խ, Միրզոյան
/ստորագրություն/


ՕՐԱՑՈՒՑԱՅԻՆ ԳՐԱՖԻԿ
 «ՀԱՐԿԱԴԻՐ ԿԱՏԱՐՈՒՄՆ ԱՊԱՀՈՎՈՂ ԾԱՌԱՅՈՒԹՅԱՆ ԱՅՈՒՆԻՔԻ ՄԱՐԶԱՅԻՆ ԲԱԺՆԻ /Ք. ԳՈՐԻՍ/ ՎԱՐՉԱԿԱՆ
 ՏԱՐԱԾՔԻ ԸՆԹԱՑԻԿ ՆՈՐՈԳՄԱՆ» ԱՇԽԱՏԱՆՔՆԵՐԻ ԿԱՏԱՐՄԱՆ

Ձ/հ	Կապալառուի կողմից կատարվելիք աշխատանքների առանձին տեսակների անվանումներ	Աշխատանքների կատարման ժամկետը**	
		Սկիզբը	Ավարտը
1	շենքերի, շինությունների /հարկադիր կատարումն ապահովող ծառայության Սյունիքի մարզային բաժնի /ք. Գորիս/ վարչական տարածքի հիմնանորոգման/ ընթացիկ նորոգման աշխատանքներ	Համապատասխան ֆինանսական միջոցներ նախատեսվելուց հետո պայմանագրով նախատեսված կողմերի իրավունքների և պարտականությունների կատարման պայմանն ուժի մեջ մտնելու օրվանից	Պայմանագրով նախատեսված կողմերի իրավունքների և պարտականությունների կատարման պայմանն ուժի մեջ մտնելու օրվանից 65 օրացուցային օրվա ընթացքում

ՊԱՏՎԻՐԱՏՈՒ

Հարկադիր կատարումն ապահովող
 ծառայություն
 ՀՀ, ք. Երևան, Հալաբյան 41/ա
 ՀՀ ֆինանսների նախարարության
 գործառնական վարչության
 Հ/Հ 900011288025
 ՀՎՀՀ 01223338




 /ստորագրություն/


ԿԱՊԱԼԱՌՈՒ

«ՁԵՌԱԿԵՐՏ» ՍՊԸ

ՀՀ, Սյունիքի մարզ, ք. Գորիս, Սյունիքի փ.
 136/22
 «ՀԱՅԷԿՈՆՈՍԲԱՆԿ» ԲԲԸ «ԳՈՐԻՍ» Ս/Ճ
 Հ/Հ 163298024882
 ՀՎՀՀ 09213061



 /ստորագրություն/


** Եթե պայմանագիրը կնքվում է "Գնումների մասին" ՀՀ օրենքի 15-րդ հոդվածի 6-րդ մասի հիման վրա, ապա <<Սկիզբը>> սյունակում ժամկետի սկիզբը նշվում է ֆինանսական միջոցներ նախատեսվելու դեպքում կողմերի միջև կնքվող համաձայնագրի ուժի մեջ մտնելու օրը:

« »

Պայմանագրի կողմ

Պատվիրատու

գտնվելու վայրը _____

հհ _____

հվհհ _____

գտնվելու վայրը _____

հհ _____

հվհհ _____

ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՍ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ « » « » 20 թ. դուրս գրված N _____ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը կատարել է հետևյալ աշխատանքները՝

N	անվանումը	տեխնիկական բնութագրի համառոտ շարադրանքը	Կատարված աշխատանքների					Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			քանակական ցուցանիշը		կատարման ժամկետը				
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի			

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Աշխատանքը հանձնեց

Աշխատանքը ընդունեց

ստորագրություն

ստորագրություն

ազգանուն, անուն
Կ.Տ.

ազգանուն, անուն
Կ.Տ.

ԱԿՏ N
պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
(այսուհետ՝ Կապալառու) միջև 20 թ. _____-ին կնքված N _____
գնման պայմանագրի շրջանակներում Կապալառուն 20 թ. _____-ին _____
Պատվիրատուին հանձնեց ստորև նշված աշխատանքները

Աշխատանքի		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն